

VICTORY HMONG ALLIANCE CHURCH

“Be imitators of Christ living together in victory”

1 Corinthians 11:1; 15:57-58



602 Acewood Blvd - Madison, WI - 53714 - www.victoryhmong.org

TSAVNTAWV TSHAJXO (NEWSLETTER)

JUNE 2021



SENIOR PASTOR:

Kx. Tswv Tub Vwj

Nyob zoo cov phoojywg! Tib pliag xwb twb yog lub 6 hlis nrab lawm. Lub sijhawm mus ceev heev li. Txawm li cas los Vajtswv txojkev hlub yeej tseem nyob li qub rau peb txhua tus. Kuv zoo siab heev uas nej sawvdaws kubsiab lug tuaj koom kev pehawm Vajtswv txhua lub limtiam txij li thaum peb rov qhib kev pehawm Vajtswv rau hauv tuamtsev. Nej coob tus kubsiab lug muab nyiaj pab ua Vajtswv haujlwm, peb pawgntseeg thiaj nyob dhau lub xyoo tas los rau lub xyoo no khovkho. Kuv ua tsaug rau nej txhua tus kev thov Vajtswv pab rau peb cov tswvcuab. Peb sawvdaws nyob dhau COVID-19 uas peb cov tswvcuab tsis muaj ib tug twg raug qhov kabmob no es kov tsis yeej. Txawm tej tus raug los, lawv zoo tas lawm. Vajtswv txojkev tsomkwm yeej nrog nraim peb tiag.

Tsis tas li no xwb, txawm peb nyuam qhuav rov qhib rau pawgntseeg pehawm Vajtswv uake, rau cov hluas, rau cov niamtsev, rau cov txivtsev, thiab kev kawm Vajtswv Txojlus thiab kev thov Vajtswv rau hnuv Wednesday tsausntuj xwb los yeej rov muaj ntau yam rau peb cov ntseeg ua uake lawm. Yog li nqua hu sawvdaws nco ntsoov tuaj koom cov no.

Thov Vajtswv foom koobhmoov rau

sawvdaws kom noj qab nyob zoo. Yog nej muaj kev cheemtsuam dabtsi no los thov nco ntsoov hais rau kuv paub.

TXOJLUS TXHAWBZOG: “Leejtxiv Txojkev Hlub”

Tus Sau: Kx. Tswv Tub Vwj



Happy
FATHER'S DAY

Lub 6 hlis no yog peb tig rov los nco txog leejtxiv rau Txiv Hnuv (Father's Day).

Ib yam uas koj nco txog koj txiv rau yog dabtsi? Ib yam uas kuv nco txog kuv txiv rau yog nws kev hlub kuv. Thaum peb nyuam qhuav tuaj txog tebchaws Amelikas no, uas peb tseem tsis tau muaj tsheb thiab kuv txiv tsis tau paub tsav tsheb; nws niaj hnuv tsav luvthij (bicycle) tuaj tos kuv tom tsev kawm ntawv los tsev. Lub sijhawm ntawd kuv muaj li 8 xyoo thiab nyuam qhuav mus pib hoob peb. Txawm yuav losnag, tshavntuj lossis los daum (snow); kuv txiv yeej tuaj tos kuv thaum kuv lawv ntawv. Nws hlub kuv npaum li no.

Phau Ntawv Nkauj 103:13 hais tias, *“Leejtxiv hlub nws cov menyuam npaum*

licas, tus TSWV hlub cov ua hwm Nws npaum li ntawd.”

Leejtxiv txojkev hlub yog qhov Vajtswv muab Nws txojkev hlub piv rau. Yog Vajtswv twb muab leejtxiv txojkev hlub no ua tus yamntxwv piv rau Vajtswv txojkev hlub; puas tsimnyog peb pom txog peb leejtxiv txojkev hlub? Yeej tsimnyog!

Yam peb yuav ua qhia tau rau peb txiv hais tias peb ris nws txiajntsig rau nws txojkev hlub peb yog peb yuavtsum ua tej yam no rau nws: (1) Peb yuavtsum txawj hwm nws, (2) Peb yuavtsum txawj hais lus zoo rau nws, (3) Peb yuavtsum txawj pab nws, (4) Peb yuavtsum mloog nws lus, (5) Peb yuavtsum txawj ua nws tsaug, (6) Peb yuavtsum xyaum nws tus yamntxwv zoo, thiab (7) Peb yuavtsum nco ntsoov thov Vajtswv rau nws. Tus menyuaam uas ua cov no rau nws txiv, leejtxiv yuav txaus siab heev thiab muaj kev kajsiab. Vim peb txiv twb xub hlub peb lawm, cia peb tig rov los hlub nws.

Yexus hais rau ntawm Yauhas 15:9 hais tias, *“Kuv hlub nej ib yam li kuv Txiv hlub kuv; nej yuavtsum muaj lub siab hlub ib yam li kuv.”*

Qhov Yexus hlub peb twb yog nws leejtxiv twb xub hlub nws ua ntej. Yog li Yexus thiaj hlub peb. Yog peb paub Yexus thiab tau txais nws txojkev hlub lawm, cia peb txawj sib hlub. Tshwjxeeb yog peb txawj tig hlub peb leejtxiv. Cia Txiv Hnub hnub no yog lub sijhawm rau peb tig rov los hlub peb txiv. **Happy Father’s Day rau txhua tus ua leejtxiv!**



**ASSOCIATE
PASTOR
Xh. Isaiah Thor**

Dear Victory Hmong Alliance Church, I am so glad that summer is finally here. There is so much to make up

for this summer since last summer everyone was stuck inside because of Covid19. It has been such a blessing seeing most of us back in the church and especially for me to be able see and connect with our Youths in person once again. Praise God for His faithfulness and for allowing things to slowly but surely go back to normal. May we all continue to stir one another up in love and good deeds.

Friday Nights has been an incredible opportunity for our Youths to learn more about the Word of God and build a community within their age group. We have been blessed with the Word of God through reading and learning through the book of Romans. I am encouraged to see our weekly turnouts. I would like to encourage parents to continue to encourage your children to join us every Friday Night at 6:30PM. If your child needs a ride, please do not hesitate to let me know ahead of time. Thank you for your participation in further advancing the kingdom through our young ones!

I am excited to announce that we have reached our financial goal for the HLUB bus this year. Thank you so much to the Board, our Parents, and Ben and Paula for their financial contribution to help us reach our goal for the bus. We are so blessed by each and every one of you. May The Lord continue to bless you all abundantly and be your greatest reward.

If you have any further questions regarding HLUB or Friday Nights, please feel free to contact me at 608-577-0578 or my email at Isaiahthor@gmail.com. Thank you!

LUS TSHAJTAWM:



1. Twb tau 4 xyoos los no lawm, yog li lub

Roog Tsavxwm xav kom peb cov tswvcuab rov ua ntaubntawv ua tswvcuab dua (renew membership). Peb muaj cov ntawv (application) nyob rau tom tuamtsev, nram lub rooj nram qab. Thaum nej tuaj church, thov nej muab coj mus suam thiab xa rov qab tuaj rau Kx. Tswv Tub lossis Kl. Nchaiv Daus Hawj.

2. Hauvpaus Kooshaum Hmoob lub rooj sablaj txwm xyoo yuav muaj nyob rau Milwaukee rau thaum lub 7 hlis, tim 4 txog rau tim 9. Yog nej leejtwg xav mus koom kev pehawm Vajtswv rau yav tsausntuj los yeej tau.
3. Tamsi no cov ministries lossis tej phab peb qhib rau hauv pawgntseeg rau cov ntseeg tuaj koom uake yog cov no:
 - a. Kev pehawm Vajtswv rau hnuv Hnuvkaj.
 - b. Cov Niamtsev kev txoos uake thiab kev pehawm Vajtswv uake.
 - c. Cov Txivtsev kev txoos uake thiab kev pehawm Vajtswv uake.
 - d. Cov hluas kev txoos uake thiab kev pehawm Vajtswv txhua hnuv Friday tsausntuj.
 - e. Kev kawm Vajluskub thiab kev thov Vajtswv uake rau hnuv Wednesday tsausntuj rov qhib lawm. Thov caw sawvdaws tuaj koom. Yog nej muaj kev cheemtsum rau kev thov Vajtswv pab rau nej li cas no los tuaj nrog peb koom uake.
6. Yog nej cov ua niam ua txiv leejtwg xav fij menyuum rau Vajtswv no, thov hais rau Kx. Tswv Tub paub.
7. Ua tsaug rau nej txhua tus kev thov Vajtswv thiab kev pab nyiajtxiag rau pawgntseeg kev yuav lub tsev xibhwb thib ob. Orchard Alliance (ADF) tau pomzoo txais nyiaj rau peb yuav lub tsev lawm. Lub 6 hlis no peb yuav kaw (close)

rau lub tsev. Lub tsev peb yuav yog nyob rau tom Cottage Grove.



1. Vajtswv so rau hnuv twg?

A. Hnuv 6	B. Hnuv 7
C. Hnuv 4	D. Hnuv 2

 * Mus saib hauv Chivkeeb 2:2
2. Thaum Daviv tseem zov yaj tom teb nws tua ib tug tsov thiab ib tug dabtsi?

A. Ib tug hma	B. Ib tug dais
C. Ib tug aub	D. Ib tug yaj

 * Mus saib hauv 1 Xamauyees 17:34-35.
3. Malis uas yog Yexus niam mus saib leejtwg thaum muaj Yexus rau hauv plab?

A. Hanas	B. Elixanpev
C. Anas	D. Xami-oos

 * Mus saib hauv Lukas 1:39-40.

THOV VAJTSWV RAU (PRAYER ITEMS):.

1. Thov Vajtswv pab rau cov tswvcuab uas muaj mob. Peb kuj muaj cov hluas thiab cov laus uas muaj mob. Yog li thov sawvdaws pab thov Vajtswv rau lawv.
2. Thov Vajtswv pab rau Hauvpaus Kooshaum Hmoob lub rooj sablaj txwm xyoo yuav los rau lub 7 hlis, tim 4 txog 9, xyoo 2021 no nyob rau tom Milwaukee.
3. Thov Vajtswv pab rau cov hluas lub rooj txhawbsiab HLUB nyob rau Indiana State University. Peb yuav muaj li 21 tus hluas nrog rau Xh. Isaiah thiab N. Xh. Isaiah lawv yuav mus koom.



4. Thov Vajtswv pab rau peb pawgntseeg tej phab ministries uas tau qhib rau kev txoos uake lawm kom txhob muaj ib yam los tabkaum thiab qhov kabmob COVID-19 no txhob raug rau ib tug twg lawm vim nomtswv tau tso cai rau sawvdaws tsis koj daim ntaub npog qhovntswg thiab qhovncauj lawm.
5. Thov Vajtswv pab rau cov xibhwb lub rooj txhawbsiab nyob rau thaum lub 8 hli, tim 19 txog rau 22 nyob rau Denver, CO.
6. Thov Vajtswv pab rau Hauvpaus Kooshaum Qibsiab thiab Dr. John Stumbo uas raug rov xaiv los ua tus Thawj Tsavxwm (President) rau peb C&MA plaub lub xyoos tomntej no ntxiv.

QUOTE:

“Riam thiab ntaj yeej ntse kawg, tiamsis tsis ntse npaum li leejtxiv.”

“Knives and swords are sharp, but it does not compared to the wisdoms of a father.”

~ Kx. Tswv Tub Vwj ~

SENIORS’ BANQUET (Cov Laus Rooj Mov Txhawbzog”



“Txawm Koj Laus Lawm Los Vajtswv Tseem Siv Tau Koj Tsuas Lwm Tus Lub Neej.”



Alliance Men

Cov txivtsev thawj zaug rov tuaj uake pehawm Vajtswv rau xyoo no.



Cov vivncaus (niamtsev) thawj zaug rov tuaj uake pehawm Vajtswv rau xyoo no.

Alliance Women

**TOSTXAIS TSWVCUAB TSHIAB
(New Members):
May 23, 2021**



Sab laug: Pov Lis thiab tsevneeg.
Nrubnrab: Tswj Fwm Xyooj thiab tsevneeg.
Sab xis: Xav Lis thiab N. Xav Lis

May 30, 2021



William Vwj thiab tsevneeg